

Maahok'w Maanatok'w Haaga Aladub'aga

Masik'oma

Maangamil maafuc'ak'wa kamaanzaak'w haaga alashook b'aga kowoma nndowa etigad'abaga maafuc'ak'wa, maac'agaasa kadaanga na-ebanneya nala tso. Makok'w magaç labaalá káhaaga aladub'aga manjaarek'w mashaña babok'oma kashook b'aga bafalagasha tso. Dub'aga kamangishats gasaanza alamá kamahulash magamila etapanaga haaga bac'aga tso.

B'aga metaam emada bibas'aga matagaçama kámad'ab damac'a alama haaga aladub'aga kamaanjatak'wa baanzegaaça makala tso.

Nilaangw da-eba mafagok'w maanda mazha kamashaamb'atsama baapangaatsa tso. B'aga dabawotaga na-Amerika nilamaanjatak'wa ala-ebamaam biyaakolagaç mad'ab daangaña alamaam nilahaaga aladub'aga kamaafuc'ak'wa etiiga na-ebamaama, namaatab'atsa alamaam eyaatsen kwa maanzaak'w haaga alagunza kangafa kamashaamb'ats ma'iiya batab'agatsa tso.

T'iisa ala-eba metaam metaam kas'e ilak'omaam biyaangasagilas kamad'ab maad'aak'osha kamaahoç eba ala-Amerika eyaatsen kwa kamaandarash maahok'w maashiiç'atsa kamaanzaak'w maayira kahaaga aladub'aga tso.

Maafunc'ats maangasil haaga kamaafuc'ak'wa aladub'aga baane babok'w gasaanza etaapangaats kamaangamil haaga aladub'aga tso.

Maahok'w Maahons'ak'wa

Maahok'w maanatok'w haaga aladub'aga baane etiyaangasagilasan da-eba kowoma kamaambaalats haaga alada-eba kada-ebanneya kowoma, haaga alab'aga metaam metaam, kamaab'ushil dak'o-eba, kamat'ots maanjatak'wa baane maddugok nilagasaanza, matigatsama wola magamaça kwa kamaandarash maanjatak'wa kamaafuc'ak'wa aladub'aga baane, kamazeç maahok'w maanjatak'wa kamashaamb'ats maayira nilaangw b'aga dabawotaga na-eba, nilagafaaleya kas'e ilak'oma eyaatsen kwa nilaangw b'aga dabawotaga nak'o-eba nilamaanzeça tso.

Mb'al Çamak'ota 1

Dub'aga b'aga metaam metaam alamaam kamaanzaak'oma kas'e bipok'oga kamad'ab maafuc'ak'wa haaga bac'aga tso. Káb'aga jajanda kwa jala etigafalagash ma'iiya nago metaagwa eyaal yida-eba bic'aga tso.

Mb'al Çamak'ota 2

B'aga kowoma kamad'ab maafuc'ak'wa etiŋk'otaga nilamaahok'w maanatok'wa aladub'aga nala haaga bac'aga tso. Bala mawotaan maahaaca metaam kanndo shooka, dagoosha, gwaatsa, sa, magamila, polotika, eba wola k'o-eba, moota, mpok'wa wola ma'iiya mad'ab haaga kamaafuc'ak'wa etiŋk'otaga nilamaahok'w maanatok'w aladub'aga nala багаапаŋгааtsa tso.

Kababaçama kwa, nab'ab'aga metaam mat'o maahaaca kanndo polotika, kalafaan maç'arok'w ŋgisha ala-ebama kak'o-eba nago ba'iigasha, kamakaalash ilak'wa, kamagamila, kamakaalash mazhigok'w ilak'wa wola kanndowa janda kwa apaŋгааtsaŋgo tso.

Mb'al Çamak'ota 3

B'aga kowoma mad'ab haaga alama'iiya kakaasha, maafuc'ak'wa kamaanzeça nada manasama багаапаŋгааtsa tso.

Mb'al Çamak'ota 4

B'aga metaam mat'oma kawodaŋa wola makúŋk'oma kasiwodaŋa apaŋгааtsaŋgo tso. Mb'aandok'w makodok'w wodaŋa kamakodama nago kowoma багаапаŋгааtsa tso.

Mb'al Çamak'ota 5

1. B'aga kowoma kamad'ab maanzeça nada etakamashaŋats b'agama bac'aga haaga tso.

Mb'al Çamak'ota 6

B'aga kowoma eyaal b'aga metaam haaga alamad'a kaats kágo bapaŋaga bac'aga tso.

Mb'al Çamak'ota 7

B'aga kowoma bala mawotaan maahaaca metaam nago yilaç maanatak'wa maanzaak'oma tso. B'aga kowoma kanndowa maanzaak'oma mad'ab maanzeça namaab'usha kamaahaaca багаапаŋгааtsa tso.

Mb'al Çamak'ota 8

1. B'aga kowoma kamad'ab maac'agasa magaahaama eyaal makaalashama etiiga nak'o-ebama kamazeç b'agama nada etab'aandagok'w maanatak'wa etiyaangasagilasan nab'agama haaga bac'aga tso.

Mb'al Çamak'ota 9

B'aga metaam haaga etambas'uga mad'aak'oshama, mashakima kamafunc'ama bac'aga tso.

Mb'al Çamak'ota 10

B'aga kowoma kamaanzaak'oma haaga etigafalagash manğishats gasaanza alamaam káb'aga kowoma kamanzarilama na-añjaaha biishakiiga eyaatsen kwa mashiiç'ats haaga kamaatagaça alamaam baanzegaaç nab'agama tso.

Mb'al Çamak'ota 11

1. B'aga etishakiiga metaam mad'ab haaga alamaanzeyaaça bac'aga tso. Bala manğiishatsan waada mashañatsama alama kamayizhilama makala etamashañatsama kamafalushaango tso.

2. Káb'aga metaam makala etamashañatsama namaanatak'wa aladaara metaam wola alabanneya kowama afalagaashaango tso.

Mb'al Çamak'ota 12

Nab'agab'aga nametaam mat'o mashaña kas'e badaga taangale, kas'e mas'a kadasas'a alama, kas'e maad'aba etac'aga kab'aga jaajanda mbutok'w mashiiç'a alama kágaca apañgaatsaango tso. B'aga metaam kamad'ab maanzeça kamaanatak'wa haaga bac'aga tso.

Mb'al Çamak'ota 13

1. B'aga kowoma matsa ká-eba etapanga kama'iisha nagwaan haaga bac'aga tso. Kamashaagwa na-eba metaam kágo eba janda kamad'ab maanzeça nagaat'owa kwa haaga bic'aga tso.

2. B'aga metaam metaam alamaam mpatsa na-eba nametaam matsa ma'iisha na-eba najanda eyaatsen kwa kamakoleya ka-eba alamá haaga bac'aga tso.

Mb'al Çamak'ota 14

1. B'aga kowoma kamatsa kamashaagwa na-eba etapanga haaga bic'aga tso.

2. Haaga baane kanndo polotika masharjatsama makaalushango tso.

Mb'al Çamak'ota 15

1. B'aga metaam kamada kada-eba etapanga haaga bac'aga tso.

2. B'aga kowoma kamada kada-eba etiipanga haaga biic'aga tso. Kamaanzhil mada alama kada-eba janda kwa haaga bac'aga tso.

Mb'al Çamak'ota 16

1. B'aga gunza wola ngafa etadagaash giizha alama kamaanjarak'wa metaam bala mawotaan maahaaca kanndo shooka, daara wola kamagamila haaga alamaanjarak'wa kamapok'w duwa bic'aga tso. Gunza kangafa na-añjaaha biyaanjaragok'wa, na-añjaaha bidaga ngafa kagunza eyaatsen kwa na-añjaaha maac'aga kwa haaga maanzaak'oma bic'aga tso.

2. Maanjarak'wa kaats kamaaheesha alagunza kangafa taangale mada baapangaatsa tso.

3. Damas'a naats nagazaza maat'osh maahons'ak'wa aladak'o-eba kas'e badaga dak'o-eba kagafaaleya magat'o maanzeça kádamas'a baapangaatsa tso.

Mb'al Çamak'ota 17

1. B'aga kowoma kas'e ilak'oma wola kámaat'ab'atsa kab'aga jaajanda kamad'ab damac'a ala-ilak'oma haaga bac'aga tso.

2. B'aga kowoma kamazegaç damac'a alamá wola k'ac'ak'ac'a alamá haaga bac'aga tso.

Mb'al Çamak'ota 18

1. B'aga kowoma haaga alamangisha kamahulash magamila etapanga bac'aga tso. Haaga baane kwa haaga etigafalagash maanzhil magamila wola gadeera kamada kas'e ilak'oma wola kab'aga jaajanda eyaatsen kwa mangishats magamila alama kamatigatsama, kagadeera wola kamadada janda bad'aak'ogash nilama tso.

Mb'al Çamak'ota 19

B'aga kowoma haaga etagafalagash mangishats gasaanza alama kamayizhilama bac'aga tso. Haaga baane kwa haaga etigafalagash mangishats gasaanza etipanga bala mawotaan maas'ajilasa metaam gatiga etipanga matigama, mad'abama kamanj'otama namiidiya kowoma bad'aak'ogasha tso.

Mb'al Çamak'ota 20

1. B'aga kowoma kamaahons'ak'wa wola kamat'o maahons'ak'wa kanndowa etadaga daŋgaŋa haaga bac'aga tso.
2. B'aga metaam kamaatagaça makúŋk'oma kilamaahons'ak'w kamaafalaashango tso.

Mb'al Çamak'ota 21

1. B'aga kowoma kamafalash mandatsa nilamadada alagafaaleya ala-ebama kanndowa mazhooshama wola kamashilats b'aga damandats nilagafaaleya ala-ebama haaga bac'aga tso.
2. B'aga kowoma kamad'ab da etaapaŋgaats kawuraamba etiiga nak'o-ebama kowoma haaga bac'aga tso.
3. B'aga kowoma kamashilats gafaaleya wola damazhigok'w ebama wola kamaashilaatsa wola kamada kamazhigok'w ebama haaga bac'aga tso.

Mb'al Çamak'ota 22

B'aga metaam eyaal maab'ushil dak'o-eba metaam kamazegaç daŋgaŋa etiiga nak'o-ebama, nadaara alamá wola na-ebanneya kowoma kamaad'aak'osha kamas'a-madada janda kamandatsa kak'a'ak'ac'a alamas'a-madada alan, kadamac'a wola kadak'o-eba alan wola kagadeesa aladak'o-eba alan kamafagok'oma haaga bac'aga tso.

Mb'al Çamak'ota 23

1. B'aga kowoma kamadada alamá, kamashilats jinas madada etapanga eyaatsen kwa kamad'ab maanzeça etaapaŋgaats kámadada alama haaga bac'aga tso.
2. B'aga kowoma kamad'ab gaçiita wola lamaana maanzaak'oma kamadada etabadaga haaga bac'aga tso.
3. B'aga etadaga madada metaam mad'ab gaçiita etadaga maanzaak'oma kamadada alama etaapaŋgaats kas'e ilak'oma wola kadamas'a alama haaga bac'aga tso.
4. B'aga kowoma k'ac'ak'ac'a etapanga kamakodama wola kamakodagok'w eyaatsen kwa kamaad'aba kadazabaaha janda kamayic'ok'w gasaanza etapanga yilama haaga bac'aga tso.

Mb'al Çamak'ota 24

B'aga kowoma namadada etadaga kowoma kamad'abaga maafuc'ak'wa kamashaagwa haaga bac'aga tso. Haaga baane kwa añjaaha madada etiç'aragok'wa, mad'ab gaçiita namadada etidaga na-añjaaha maafuc'ak'wa wola na-okaMusá wola na-okaziifa bad'aak'ogash nilama tso.

Mb'al Çamak'ota 25

1. B'aga kowoma kamad'abaga da etaapaŋgaats kama'iya alamá wola kama'iya aladamas'a alamá dabawotagaats eyaal damasa, ahowa, mas'a, dowá alamaam kamaatab'atsa etaapaŋgaats kadak'o-eba alamá kowoma haaga bic'aga tso. Kanndowa janda kwa kamad'abaga maanzeça namadada alamá, dowá kamad'uutsa alamá, na-añjaaha batid'agash madada, na-añjaaha maŋgaaza kwa haaga bac'aga tso.

2. Gaafa dampok'w kayida woraç'aaç'a kamad'ab maakakasha kamaanzeça haaga bic'aga tso. Yida woraç'aaç'a kowoma etipok'oga kaal biyaŋaaragok'w wola bala maŋaaruk'on kwa kamaanzaak'oma mad'ab maanzeça багаapaŋgaatsa tso.

Mb'al Çamak'ota 26

1. B'aga metaam metaam alamaam kas'e ilak'oma kamad'ab magamaça haaga bac'aga tso. Magamaça alamaat'ok'w mas'a-magamashama biil'-1 wola alamaat'ok'w mas'a-magamashama etaapaŋgaats janda bala maçiitaan bara wola gaahaat mad'abama baapaŋgaatsa tso. Magamaça alamaat'ok'w mas'a-magamashama biil'-1 maatagaça mada, magamaça alagaaha kwa etaapaŋgaats zanzen mada eyaatsen kwa magamaça alababok'w maat'ok'w mas'a-magamashama kwa etaapaŋgaats kab'aga kowoma mada baapaŋgaatsa tso.

2. Magamaça da etaad'aak'ogash kamafagaak'wa aladub'aga, etabanzhiigagats mashiiç'agats haaga alaladub'aga kada etaapaŋgaats kádub'aga kámad'ab maafuc'ak'wa tso. Magamaça da etabatab'agats b'aga kamaŋgamil da, kamaafalasha, kamaanda mazha kada-eba janda, kamahons'ak'w shooka wola kamaŋgamila eyaatsen kwa kamaŋaarek'w daŋgaŋa marra baapaŋgaatsa tso.

3. Dak'o-eba namasiik'oma kamashiilats jiinas magamaça etaapaŋgaats kadiida alamaama haaga biic'aga tso.

Mb'al Çamak'ota 27

1. B'aga kowoma kamandatsa niilagadeesa alama, kamaheesh gadeesa alama eyaatsen kwa kamafagok'oma gadeesa aamá haaga bac'aga tso.
2. B'aga kowoma kamazeç gasaanza alamá kak'ac'ak'ac'a etadagok'w kamandatsa kasaayinasa, kaçamak'ota wola kamagama'ela haaga bac'aga tso.

Mb'al Çamak'ota 28

Haaga etiñk'otaga niilamaanatak'wa nala eyaal k'o-eba wola eyaal ebanneya kowoma baagyiraga káb'aga kowoma tso.

Mb'al Çamak'ota 29

1. B'aga kowoma kamafagok'w ilak'oma wola kamafagok'w dak'o-ebama bac'aga maatagaça tso.
2. B'aga metaam na-añjaaha bagandagats kahaaga alama kwa, b'aga metaam metaam alamaam eyaal багаç'aragok'w maanatak'wa mazeç haaga alab'aga janda na-añjaaha maahons'ak'wa kama'iiya alawuraamba kadiimikaraasiya alak'o-eba kagashalama baapaŋgaatsa tso.
3. Haaga baane kas'e maatagaça alab'aga ala-Amerika bala madaan kas'e badaga kahaaga aladub'aga mazeçama baanzegaaç nab'agab'aga nakowoma tso.

Mb'al Çamak'ota 30

Gasaanza etiñk'otaga niilamaanatak'wa nabaane mac'agasama kamaanzhaçama eyaal etaapaŋgaats ka-eba metaam, kámaahons'ak'wa wola káb'aga metaam metaam alamaam, kamafalugashan mab'aandok'w maayira etabas'aga maakoga kahaaga aladub'aga kamaaŋgamilama zanzen kamatab'ats akwa tso.